



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Quomodo quinq[ue] panes & duos pisces Christus multiplicauit. Cap. XXX.

urn:nbn:de:hbz:466:1-30114

cucumeres & pepones vilia esculēta, porros & cæpas inflā- *Num. vi.*
 tes, allia fatentia esurientes, nec non Pasiphaes auiculas,
 dimittit inanes. Ideo esurientes & sitientes manent, & ani- *Psal. 106.*
 ma eorum in ipsis deficit, & fame pereunt. Cupiunt ven- *Luc. 15.*
 trem implere siliquis porcorum, & nemo illis dat. Suavis *Prou. 20.*
 illis tamen est, panis mendacij, quæ est falsa doctrina. Sed
 panis iste peruerforum dogmatum, in vtero eorum verti-
 tur in fel aspidum intrinsecus. Boni verò & recti corde, in
 domo dei, quæ est ecclesia, abundant panibus mundissi- *Iob 20.*
 mis sanæ doctrinæ, qui corda hominum in omni opere bo- *2. Thes. 2.*
 no & sermone confirmant vsq; in finem.

Quomodo quinq; panes & duos pisces Christus
 multiplicauit. Cap. XXX.

O Potentia maiestatis: O sapientia mediatoris. O ex-
 uberans bonitas diuinæ charitatis. Quinq; panes & *A*
 duos pisces Christus in manus accepit, & multa hominum
 milia, dum esset omnipotentia sua & infinita bonitate mul-
 tiplicat, cibādo satiat. Granum sinapis minimum inter se-
 mina, proiectum in terram, crescens maius fit omnibus *Matt. 13.*
 oleribus, & arbor fit magna, ita vt volucres cæli habitent *Rom. 4.*
 in ramis eius. Quinq; panes & duos pisces legis libros ac- *Luc. 13.*
 cipimus & prophetas qui instar grani sinapis minimi sunt
 fermè inter omnes legum & institutionum libros. Sic
 dum Christus in manus suas sanctas scripturas accepit, &
 impleuit eas in semetipso, seminauitq; verbum Dei do-
 cendo, ac fregit panes, declarando scripturas; adeò panes
 isti quinq; & duo pisces in manibus eius sunt aucti,
 vt totus mundus capere libros non posset (si
 omnia eius opera & verba per sin- *Ioan. 20.*
 gula mysteria in ipsis latentia *21.*
 scriberentur) qui scri-
 bendi essent.

S. 3.

Panis